



Broj: 13-03-05-18612/14
Sarajevo, 31.01.2014.godine

Broj:/.....
Datum, 31. 01. 2014 god.

Na osnovu člana 79. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 16/02, 8/03, 2/06, 21/06, 17/10, 26/12 i 15/13), Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU

O DAVANJU SAGLASNOSTI NA PRAVILA O IZMJENAMA I DOPUNAMA PRAVILA JAVNE USTANOVE „KANTONALNI CENTAR ZA SOCIJALNI RAD“

Daje se saglasnost na Pravila o izmjenama i dopunama Pravila Javne ustanove „Kantonalni centar za socijalni rad“ broj: 35/X-06-024-484/14 od 29.01.2014. godine, koji je Upravni odbor ove ustanove donio Odlukom broj: 35/X-06-024-484/14 od 29.01.2014. godine.

II

Ova odluka stupa na snagu danom donošenja.

Pripremio:

Zoran Timarac, str. savjetnik za nadzor

Kontrolisao:

Mesud Peljto, pomoćnik ministra

Dostaviti:

- JU „Kantonalni centar za socijalni rad“
Ulica Gatačka 80
- V.d. direktorici
- Upravnom odboru
- Nadzornom odboru



BRITANCI, STANIS, UPI. TUR



web: <http://mrsri.ks.gov.ba>

e-mail: mrsri@mrsri.ks.gov.ba

Tel: + 387 (0) 33 562-089, Fax: + 387 (0) 33
562-090

Sarajevo, Reisa Džemaludina Čauševića 1



Na osnovu člana 27. stav 1. alineja jedan Zakona o ustanovama („Službeni list R BiH”, broj: 06/92, 08/93 i 13/94) Upravni odbor Javne ustanove „Kantonalni centar za socijalni rad“, na 8. sjednici održanoj dana 29.01.2014. godine, donio je

P R A V I L A
o izmjenama i dopunama
Pravila Javne ustanove „Kantonalni centar za socijalni rad“

Član 1.

U Pravilima JU „Kantonalni centar za socijalni rad“ br: 35/X-01-530-196/07, 35/X-01-530-528/08, 35/X-06-530-2891/10, 35/X-06-530-2555/11, 35/X-06-024-3052/12, član 28. mijenja se i glasi:

„Član 28.

- (1) Organ upravljanja u Centru je upravni odbor.
- (2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.
- (3) Upravni odbor se sastoji od pet članova, od kojih se, po pravilu, dva člana imenuju iz reda stručnih radnika zaposlenih u Centru, a tri člana ispred osnivača Centra.
- (4) Predsjednik i članovi Upravnog odbora imenuju se na period od četiri godine i nakon isteka mandata mogu biti ponovo imenovani.
- (5) Za predsjednika i člana Upravnog odbora može biti imenovana osoba koja pored opštih uvjeta propisanih Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom, Zakonom o ministarskim, vladinim i drugim imenovanjima Federacije Bosne i Hercegovine, Osnivačkim aktom Centra i Pravilima Centra ispunjava i sljedeće uvjete:
 - a) da je državljanin Bosne i Hercegovine,
 - b) da nije osuđivan za krivično djelo koje je nespojivo sa obavljanjem dužnosti predsjednika i člana Upravnog odbora Centra,
 - c) da nije osuđivan za prekršaj koji je nespojiv sa obavljanjem dužnosti predsjednika i člana Upravnog odbora Centra.
- (6) Bliži uvjeti za imenovanje iz stava (5) ovog člana uređuju se posebnim aktom koji donosi Vlada Kantona Sarajevo.
- (7) Direktor Centra ne može biti predsjednik i član upravnog odbora i predsjednik i član nadzornog odbora bilo koje ustanove nezavisno od oblasti za koju je ustanova osnovana a koja djeluje u Bosni i Hercegovini“.

Član 2.

Član 29. mijenja se i glasi:

„Član 29.

- (1) Pored razloga propisanih Zakonom o ustanovama, Osnivačkim aktom Centra i Pravilima Centra, Osnivač može razriješiti predsjednika i člana Upravnog odbora Centra i prije vremena za koji je imenovan i iz sljedećih razloga:
- neispunjavanje uvjeta za imenovanje propisanih Zakonom o socijalnoj zaštiti, zaštiti civilnih žrtava rata i zaštiti porodice sa djecom i posebnim aktom koji donosi Vlada Kantona Sarajevo a kojim se uređuju bliži uvjeti za imenovanje predsjednika i člana Upravnog odbora,
 - neusvajanje izvještaja o poslovanju koji obuhvata izvještaj o radu sa izvještajem o finansijskom poslovanju Centra,
 - zloupotrebljavanje pozicije predsjednika i člana Upravnog odbora u Centru u korist ličnog interesa ili interesa druge osobe,
 - nesavjesnog i neodgovornog obavljanja dužnosti predsjednika i člana Upravnog odbora, a koje se negativno odražava na afirmaciju Centra i čuvanje njegovog ugleda,
 - propuštanje sprečavanja nepravilnosti u radu Centra,
 - nevršenje usmjeravanja i kontrole rada direktora,
 - neocjenjivanje rada direktora,
 - promjene broja i strukture članova Upravnog odbora,
 - nepoštivanje i kršenje opštih akata Centra.

- (2) U slučaju da dodje do prijevremenog razrješenja predsjednika i člana Upravnog odbora Vlada Kantona Sarajevo će istovremeno imenovati vršioce dužnosti predsjednika i člana Upravnog odbora na kraći period, najviše dva mjeseca, dok se ne provede zakonska procedura konačnog imenovanja“.

Član 3.

Član 35. mijenja se i glasi:

„Član 35.

- (1) Direktora Centra imenuje Upravni odbor uz saglasnost Vlade Kantona Sarajevo.
- (2) Procedura izbora i imenovanja direktora Centra, koja podrazumijeva objavljivanje javnog konkursa, formiranje komisije za utvrđivanje liste kandidata koji ispunjavaju uvjete konkursa, provođenje intervjua i druga pitanja u vezi sa izborom i imenovanjem direktora Centra provodi se u skladu sa Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom, Osnivačkim aktom Centra, Pravilima Centra i Pravilnikom o proceduri izbora i imenovanja direktora javnih ustanova iz oblasti socijalne zaštite (“Službene novine Kantona Sarajevo”, broj: 22/13)“.

Član 4.

„U članu 36. briše se stav (1)“.

Član 5.

Član 38. mijenja se i glasi:

„Član 38.

(1) Za direktora Centra može biti imenovano lice koje ispunjava sljedeće opšte i posebne uslove:

a) Opšti uslovi:

- 1) da je državljanin Bosne i Hercegovine,
- 2) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje četiri studijske godine sa akademskom titulom i stručnim zvanjem Bakalaureat/Bachelor (240 ECTS bodova),
- 3) da ima najmanje pet godina radnog staža,
- 4) da ima opštu zdravstvenu sposobnost,
- 5) da nije osuđivan za krivično djelo koje je nespojivo sa obavljanjem dužnosti direktora,
- 6) da nije osuđivan za prekršaj koji je nespojiv sa obavljanjem dužnosti direktora.

b) Posebni uslovi:

- 1) Stečena stručna sprema iz oblasti socijalnog rada ili psihologije ili pedagogije ili odgoja i obrazovanja ili sociologije ili prava ili ekonomije“.

Član 6.

Član 41. mijenja se i glasi:

„Član 41.

Direktor Centra imenuje se na mandat od četiri godine i može biti imenovan na još samo jedan mandat“.

Član 7.

Član 42. mijenja se i glasi:

„Član 42.

(1) Pored razloga propisanih Zakonom o ustanovama, Osnivačkim aktom Centra i Pravilima Centra, Upravni odbor može razriješiti direktora i prije vremena za koje je imenovan i iz sljedećih razloga:

- a) neispunjavanje uvjeta za imenovanje direktora Centra propisanih Zakonom o socijalnoj zaštiti, zaštiti civilnih žrtava rata i zaštiti porodice sa djecom i Pravilima Centra,
- b) neusvajanje izvještaja o poslovanju koji obuhvata izvještaj o radu sa izvještajem o finansijskom poslovanju Centra,

- c) zloupotrebe pozicije direktora u Centru u korist ličnog interesa ili interesa druge osobe
- d) korištenje imovine Centra u privatne svrhe,
- e) nesavjesno i neodgovorno obavljanje poslova direktora, a koje se negativno odražava na rad, afirmaciju Centra i čuvanje ugleda Centra,
- f) propuštanje sprečavanja nepravilnosti u radu Centra,
- g) dobijanje negativne ocjene za rad od strane Upravnog odbora,
- h) nepoštivanje opštih akata Centra“.

(2) U slučaju razrješenja direktora prije isteka mandata za koji je imenovan, Upravni odbor će raspisati Konkurs za imenovanje direktora u roku od 30 dana od dana imenovanja vršioca dužnosti direktora“.

Član 8.

Član 43. mijenja se i glasi:

„Član 43.

- (1) Nakon isteka mandata ili razrješenja direktor se može rasporediti na odgovarajuće radno mjesto u Centru shodno njegovom stepenu stručne spreme određene vrste zanimanja, ukoliko postoji slobodno sistematizovano radno mjesto.
- (2) Direktor Centra ne može se rasporediti na radno mjesto u Centru ukoliko je razriješen usljed okolnosti predviđenih članom 42. tačka c) i d) Pravila Centra“.

Član 9.

Obavezuje se Javna ustanova “Kantonalni centar za socijalni rad” da utvrdi prečišćeni tekst Pravila Javne ustanove “Kantonalni centar za socijalni rad” koji će biti uređen po Jedinstvenim pravilima za izradu pravnih propisa u institucijama Bosne i Hercegovine (“Službeni glasnik BiH”, broj:11/05).

Član 10.

Ova Pravila o izmjenama i dopunama Pravila Javne ustanove “Kantonalni centar za socijalni rad” primjenjuju se danom stupanja na snagu Odluke o davanju saglasnosti na ista od strane Ministarstva za rad, socijalnu politiku, raseljena lica i izbjeglice Kantona Sarajevo.

Broj: 35/X-06-024-484/14
Sarajevo, 29.01.2014. godine



PREDsjednica
UPRAVNOG ODBORA

Kenela Zuko, mr. sci.

BOSNA I HERCEGOVINA
FEDERACIJA BOSNE I HERCEGOVINE
JU KANTONALNI CENTAR ZA SOCIJALNI RAD
Ul. Gatačka br. 80, Sarajevo

UPRAVNI ODBOR

Broj: 35/X-06-024-484 /14
Datum: 29.01.2014. godine

Na osnovu člana 27. stav 1. alineja jedan Zakona o ustanovama („Službeni list R BiH”, broj: 06/92, 08/93 i 13/94) Upravni odbor Javne ustanove „Kantonalni centar za socijalni rad”, na 8. sjednici održanoj dana 29.01.2014. godine, donio je

ODLUKU

Član 1.

Donose se Pravila o izmjenama i dopunama Pravila Javne ustanove “Kantonalni centar za socijalni rad”.

Član 2.

Pravila o izmjenama i dopunama Pravila Javne ustanove “Kantonalni centar za socijalni rad” stupaju na snagu danom stupanja na snagu Odluke o davanju saglasnosti na ista od strane Ministarstva za rad, socijalnu politiku, raseljena lica i izbjeglice Kantona Sarajevo.



**PREDSJEDNICA
UPRAVNOG ODBORA**

K. Zuko, mr. sci.

Prilog:

- Pravila o izmjenama i dopunama pravila JU “Kantonalni centar za socijalni rad”

Dostavljeno:

- Ministarstvo za rad, socijalnu politiku, raseljena lica i izbjeglice Kantona Sarajevo
- Arhiva Upravnog odbora
- ☉ Služba za pravne poslove koordinaciju i informisanje
- a/a